

TAPAK 10

Conor McGregor-i asaya nungi anenba sangdongogo



TAPAK 7

Culture Ministry-i June 8 nungi monuments 820 lapoktsü melar

VOL. XVII NO. 221 (ADOK 221) DIMAPUR

SANGTENNÜ (MONDAY) AAMI (JUNE) 08, 2020

₹ 5.00

Tanü Dimapur ajunga shibangtsü

Dimapur, June 7 (TYO): June 8, 2020 anepdang 9:00 ako nungi ayaterm tashi Dimapur nung dokan/shishilembadak ajak shibangtsü aser traffic mesenzütsü, ta Deputy Commissioner, Anoop Khinchi, IAS aser Commissioner of Police, Rothihu Tetsei, IPS nati sangdong balala ajanga metetdaksüogo. Special Shramik Train ka nung Gujarat aser Maharashtra nung anendaka alirtem Dimapur

tonga arutsü lir aser iba jagi iba tenokdangba agütsür. Anungji, nisung ajaki iba tetuyuba sülen anidaksü mepishir, ta ketdangsertemisa ashi. Iba tenokdangba kübok department/administration/police/medical emergency cases/Press aser COVID-19 dak sendakba mapa inyakertem madener, ta Commissioner of Police-i sangdong nungsa shiogo.

Petrol & diesel nung poisa 60 tuogo

New Delhi, June 7 (Agencies): Anogo 82 tashi jenjang mereprangshimi aruba sülen Deobarnü totzü company temi petrol aser diesel jenjang tuogo. Tanü parnoki petrol aser diesel litre shia poisa 60 talila aküm. Iba ajanga Delhi nung petrol litre nung Rs 71.86 aser diesel lir nung Rs 69.99 kümogo. Totzü Public Sector Undertakings (PSUs)-i ATF aser LPG jenjang mapang shia reprangshima aru saka March

16, 2020 nungi parnoki petrol aser diesel jenjang nung mekongshi. Centre sorkari petrol aser diesel nung excise duty atu aser May 6, 2020 nü sorkarisa petrol litre nung Rs 13 aser diesel litre nung Rs 10 excise duty ajungketa liasü. Ajisüaka, totzü company temi excise duty atubaji consumers nem khuret magütsüü international oil price ajema akümba den inyaktep.

WHO-i fabric face masks enoktsü nenshir

New Delhi, June 7 (Agencies): World Health Organization (WHO)-i sorkartem dang nisung adenshiba tesemtem nung COVID-19 memenatepsü atema 'fabric face masks' enoktsüla ta nenshia metetdaksüogo. "Arishi küm 60 ser temapurtem mesüra temang nung timtem alirtemi nisung o nisung tsüingda tepila meyetetba tesemtem nung medical mask enoktsüla," ta WHO Director General, Tedros Adhanom

Ghebreyesus-i ashi. Mask enokba kija agi COVID-19 nungi mejenbutsu saka teka metsüktsüla, nisung o nisung tsüingda tepila ayutsüla aser tanga teinyaktsütem sülen anidaksüla, ta paisa ashi. COVID-19 kanga prokshiba tesemtem nung inyakba health workers-i COVID-19 agi shirangertem alidak dang masü saka health facility ajak nung medical masks enoktsüla, ta WHO Director General-isa shisem.

Mozü ki yipden nung tetsüing aleneta ayu



New Delhi, June 7 (Agencies): Madhya Pradesh kübok Shajapur nung arishi küm 80 tain tambur kati sen magütsüetba atema mozü ki indang yipden nung süngzü agi aleneter ayu. Tambusang jagi Rs 11,000 magütsüetba agi mozü ki ketdangsertemi yipden nung pa indang tetsüing aleneta ayu ta par kinungertemi ashi. "Pa mozü kidang anepalutsü atema aniokdang onoki Rs 5,000 agütsü saka pa anogo ishika amongdang, sen teimba aküm aser onoki ibaji magütsüet" ta par jalai ashi. Iba tatalokba bushisüingdangtsü

atema telok ka yokogo aser police-ia külen bushisüingdangdar, ta Shajapur district collector, Virendra Singh Rawat-i osangbener dang ashi. Tan hopta tetenzüklen tu tambusangji tepok nung tashitsü atua kangshiba atema Shajapur District Hospital-i anir ao ta osang ajanga ashi. Par kinungertemi pa anepaluba indang hospital bill magütsüetba agi hospital ketdangsertemi pa mejangba yipden nung süngzü agi tetsüing aleneta ayu. Madhya Pradesh chief minister Shivraj Singh Chouhan-i iba mozü ki ketdangsertem merenshitsu ta nangzükogo. "Shajapur nung mozü ki kati teintet rogo ka dak taochi melii mapa inyakba osang angazükogo. Iba mapa inyakertem metoktsütsü aser ozüing tapet agi merenshitsu" ta Chouhan-i Twitter nung metetdaksü.

Nagaland nung nisung 118 dak COVID-19 putetogo QUARANTINE ASÜBA YA KANGA TONGTIPANG



June 7, 2020 nü Conference Hall, Secretariat nung Planning & Coordination, Land Revenue & Parliamentary Affairs Minister aser State Spokesperson for Covid-19, Neiba Kronu-i osangbener den jembidang agiba noksa angur.

Kohima, June 7 (TYO): Deobarnü Nagaland nung nisung 11 dak COVID-19 putetogo aser parnok züingsema nisung ajak agi 118 kümogo. Taoba ghonda 24 tsüingda sample 338 tendangdang nisung 11 dak COVID-19 aliba putet, ta Health & Family Welfare Minister, S Pangnyu Phom-i ashi. "Parnok ajak ya Dimapur district nung aliba quarantine centre tem nungi lir. Tang tashi nung nisung 8 taneptsü nguogo" ta Minister, Pangnyu-isa ashi. Puteta alirtem ajak COVID-19 hospital tem nung anepaludar aser menatepa maotsü atema jungjunga reprangdar, ta Minister Neiba Kronu-ia ashi. Nagaland state Cabinet-i DGP dang social media nung Covid-19 dak sendakba olulu aser video prokshirtem bushia merenshitsu atema tetuyuba agütsüogo, ta Minister Kronu-isa ashi. Jammu & Kashmir nungi nisung 29 amenba bus gari ka tanü atongtsü aser ano asung Madhya Pradesh nungi nisung 34 tonga arutsü. Maneni Maharashtra aser Gujarat nungi

special train ka nung nisung 938 tashi Dimapur tonga arutsü lir, ta paisa ashi. COVID-19 atema high power committee nung züingsem aser School Education Principal Director, Shanavas C-ia ashiba agi "tanü COVID-19 putetba nisung 11 rongnung nisung ka Delhi nungi aruba liasü aser tanüingbatemji Chennai nungi arurtem lir." Nagaland nung COVID-19 puteta aliba nisung 118 ji Dimapur nung 95, Kohima nung 17, Tuensang nung 5 aser Peren nung 1 lir ta Health Department-i osang metetdaksüogo. Tanü tashi nung sample 4,264 tendangtsü agütsüba nungi sample 2,849 tashi negative ta putetogo aser sample 1,297 indang osang mangu lir, ta Health department ketdangsertemisa ashi. Dimapur nung nisung 8 indang sample tanaben tendangdang negative ta putetba agi COVID-19 hospital nungi COVID-19 Care Centre-i anir ogo, ta Health & Family Welfare Deputy Director, Dr Kikameren

Longkumer-i ashi. Parnok nisung 8 ji Deobarnü anogo 14 nü tembangogo aser maneni COVID -19 tendangba sülen ang anogo 14 nü home isolation atema yoktsü, ta paisa ashi. "Coronavirus ji anogo pungunü tashi nung puteter saka 97% dak anogo 10-11 tashi nunga tashidak adoker aser anogo 14 tsüingda nungang shirangba yimiyaji ajiteter. Iba jagi quarantine mapangji anogo 14 asütsü shima lir," ta Dr Kikameren-isa metetdaksü. Tesem aika nung facility quarantine ya anogo 7 dang kümogo aser linük aika nung facility quarantine mali saka home isolation atema dang yoker, ta paisa ashi. H&FW Department-i home quarantine asürtem geofencing maparen inyaktsü tenzükogo aser iba ajanga parnok mita reprangtsü, ta paisa tekümdangtsü ka ashi. Home quarantine asür ajak mita anüktsübaji mapa tasak aser iba jagi department-i digital technology ajanga mita reprangtsü, ta Dr. Kikameren-isa shisem.

Nagaland nung tekülem kitem aser hospitality services melapoktsü

Kohima, June 7 (TYO): Centre sorkari rongsenkettsüing maparen inyaktsü asoshi standard operating procedure (SOP) tasen ka agütsüogo aser iba nung tamangba yimsü dak sendakba tesemtem, hotel aser restaurant tem lapoktsü shia lir, saka Nagaland sorkaribo itemji melapoki atatsü telemetba agiogo. Deobarnü State Civil Secretariat nung osangbener den jembidang Principal Secretary (Home), Abhijit Sinha-i May 4, 2020 nü Nagaland Chief Secretary-i tetuyuba agütsüba magiener ta metetdaksü. May 4 nü state sorkari

tetuyuba agütsüba ya March 25, 2020 anogo nungi lockdown tenzükba atsülangba liasü. Iba lockdown tenokdangbatem rongnung hospitality services lapoktsü memelar. "Tamangba yimsü dak sendakba tesemtem/tekülem kitem ajak shibangtsü. Sentepsenji memelar" ta Nagaland Chief Secretary-i May 4 nü agütsüba tetuyuba nung shia lir. May ita tatemlen ka tashi nung Nagaland nung COVID-19 maliasü saka linük kübok tesem balala nungi nisungtem aruba sülen COVID-19 putetyonga

arudar. Election mapang nung amshiba ama kechiba sorkar school tesayurtem aser mapa inyakertem quarantine center dak sendakba maparen nung mamshir ta osangbeneri asüingdangdang School Education Principal Secretary, Shanavas C-i "sorkari district ajak nung Data Collection and Reporting Teams (DCRT) atema Quarantine portal ka lapoktsü aser iba ya Deputy Commissioner lenisüba kübok inyaktsü. Iba teloki quarantine centre temi arur aser aoertem osang bendentsü aser iba jagi health workers mapa ajema akümtsü" ta langzü.

CORONAVIRUS WARA ASENOK LONGJEMER AKOKTSÜ ASOSHI -

Quarantine nung amongertem ya shirangertem masü, parnok tesemba. Covid agi shirangertem tetsübu, Corona tashidak mesenang tsübuang.

- In collaboration with the Media Cell, RD Department, Nagaland





Dimapur Govt College nung Aor arogotem aser lokti tentetemi anepaluba Quarantine center nung Amongnü soruchioktsütsü aruba Mopungchukittsürtemi iba tesem nung monga alirtem asoshi sarasademtsüba noksa nung angur. (Dimapur, June 07, 2020)

NVCO-i ayonga 'World Food Safety Day mungogo

Dimapur, Aami/June 7 (TYO): Alima ajunga den külemi Nagaland Voluntary Consumers' Organisation (NVCO)-i June 7, 2020 nü state yimtiba nung World Food Safety Day anogo mungogo. Alima ajunga nung food safety awareness ajungkettsü asoshi United Nations-i tuyuba sülen anidaka parnokü nüburtem nem tangazükba balala agüja liasü.

World Food Safety Day, ya United Nations-i 2019 küm amenok aser küm shia June 7 nü amunger. Iba anogo NVCO tir Kezhokhoto Savi-i pa onük nung ashiba agi, World Food Safety Day ya 2019 küm Geneva Conference aser Addis Ababa Conference nung "The Future of Food Safety" dak sendakba nung tayongzükba agütsüba tashi itshidaktsütsü asoshi amunger. Addis Ababa Conference ya Food Safety dak sendakba nung mezüngbuba International Conference liasü. Conference nung Sustainable Development nükjidong atongtsü asoshi tongtibangsa sensak asem aser iba ajanga UN-i küm aika Nutrition dak sendakba nung jenjang agia aruba nem teyari agütsütsü aser iba ajanga world organization nungi nutrition action tali angütsü.

Savi-isa, World Food Safety Day ya chiyongtsü dak sendakba nung lendong keta aliba tem achaayangtsü, jelia jangjatsü, teyari agütsütsü atema ajungmesotsü atema lir aser iba ajanga food security, human health, economy prosperity, tourism aser sustainable development tsütsü teyari agütsütsü. Iba ajanga ano chiyongtsü dak sendakba shirangshiko nungi nüburtem kümzükttsü asoshi chiyongtsü

amshiba yimya, renemba aser rezünga ayuba yimya ajungketer, ta ashi.

Nagaland sorkari Food Safety & Standard Act 2006 benokogo aser Act nung 'Food' safety ta asüba tetezü ya, chiyongtsü ajanga adokdaksüba shirangshikotem nokdangtsü asoshi chiyongtsü rizünga ayuba dak sendakba nung inyakyim aser condition indang jembirba lir. Iba act ajangsa chiyongtsü dak sendakba ozüngtem longjemdaksütsü aser Food Safety and Standards Authority of India(FSSAI) amenoktsü nükjidong lir.

Food Safety and Standards Authority of India (FS&SAI)-i, India nung state ajak nung food safety aser nisungi achitsü asoshi standard asadangtsü aser state ajak nung Food Safety Officer temi sub standard chiyongtsütem repringshimtsü asoshi Food Safety and Atandard Act 2006 kübok inyakyimtem azüoker. Shi alepba ki ajak merekmeju ayutsüla aser hadir shidak alitsüla aser doctor temi mapang shia asadanga alitsüla aser iba sülen nisung achitsü asoshi slaughter house nem agütsütsüla. Consumer Protection Act 1986 kübok consumers tem teküzmükba kübok toktsütsü temeden lir. Taküm lendong nung toktsüba goods aser services nungi nüburtem kümzüka toktsür aser oset koba temang atema majung iba ya ozüng anema lir aser merenshitsu langa lir, ta paisa ashi.

Tanü Nagaland nung level-2 laboratory ka lir, koba North East ajunga nung mezüngbuba asütsü. Iba lab ya sen crore 10 indoka amenok, koba Food

Safety and Standard Authority of India(FSSAI)-i senotsü agüja amenoka liasü. Iba lab ya State Public Health Laboratory Kohima nung lir. Hadir tongtiba asem rongnung Liquid Chromatography Mass Spectrometer(LCMS), Gas Chromatography Mass Spectrometer(GCMS) aser Inductively Coupled Plasma Mass Spectrometer(ICPMS) lir. Savi-i ashiba agi, iba ya food business operators(FBOs) atema kanga tajanzük lir. Parnoki nüburtem dang mayok tsüngda parnok indang products/chiyongtsü/sample tem Para-medical, Kohima nung aliba State Public Health Laboratory nung tendangtetsü. Nüburtemi tejakleni marura modern food testing facilities aliba kecha nungdak madoker aser Food Safety and Standard Act kübok lenla ajak asadanga alitsü atema Food Analyst-i anir Analysis Wing mazüngi toktsütsü astema State Public Health Laboratory Enforcement wing tali temerangba inyakttsüsa akümer.

"Food Safety" dak sendakba nung Nagaland Voluntary Consumers' Organisation(NVCO)-i küm aika awareness campaign ayongzüka agia arudar aser maneni inyakttsü ta nüburtem nem tenangzükba agütsügo. O tatem Savi-i, "shin o ka nung, anema alibaji rongsen ta shia lir, ajisüka asen temang anema alitsüba asenoki achiba chiyongtsü dak keta lir anungji temang anema alitsü atema chiyongtsü tajung achitsüla. Alima ajunga COVID-19 den raraba mapang state nung aliba nüburtem ajak anema alitsüji kanga tongtibang lir. Kümzüka liang aser anema liang," ta Savi-i ashi.



June 7, 2020 nü GA Rest House, Jalukie nung Kuki Baptist Association, Nagaland (KBAN) ajanga tanga state nungi arua Quarantine centre nung amungertem nem sempetlep 200 bentsür arua ADC Jalukie, Dr. Tinojongshi Chang nem agütsü yangi noksa nung angur (DPRO Peren.)

Health worker junga repringtsüla: Naga Rising

Dimapur, Aami/June 07 (TYO): COVID-19 anema raraba nung yakpang sür inyaker temi bendanga agütsüba, talisa nurse aser doctor tem khenyongi balaka lir.

Wara tamajung agi alima sünger aliba mapang Nagaland nung yakpang sür inyakerte, talisa contract nung aliba nurse tem-i state sorkar mekümdangba timtem ajurur aser ibai court totuyuba nung aibelenba ka ama züngshitsü akok.

Contract nung aliba nurse temi mapa ya danga nurse tem den kasa dang lir, saka parnok maneni taa kanga ajema angur, aser karbo külem nurse regular nung alir itasen shilem pongu nung ka sü dang angur. ANM aser GNM nurse tem contract nung alirtem ya itasen 10,000 nungi 12,000 tashia angur. Anogoshi aayangertema iba dang nungi timba angur, ta The Naga Rising sangdong ka ajanga ashi.

Iba ama tetsüngda tulu aitba ya tang ama tashidak wara tamajung agi alima ajunga sünger aliba mapang tali jangjar, kong timtem nung aliba nurse timba kinunger nungia dena nokdangaka khuret lemsatapa abener.

Teimla samar nurse karibo itasen timba kümtsütsü asoshi asüngdangogo aser karibo parnok takhangba magizükra mapa nungi anentsü tashi temolungtetba nung aliba osang angashir.

Mission Director, National Health Mission, Department of Health and Family Welfare (DoHFW) ajanga June 4, 2020 nü sangdongba ya shidak inyaka aotsüsa süra, item nurse temi mepishiba ama masü saka

meyiper parnok ang artsür/ amokmerener amai adoker, ta The Naga Rising sangdong ajanga ashi.

Department nema item timtem aiben angatetdaksür amai angateter, saka June 4 nü sangdongba ajanga health worker tem ya mapa inyaker dangar kar ama züngshir ta ajiteter.

Supreme Court of India ajanga 2011 nung totuyuba agütsüba aser iba sülen MoHFW, India ajanga teinyakttsütem metetdaksüba nung nija mozüki nung inyakba nurse tema ita shia sen 20,000 dang tajemba magütsütsüla, ta shia lir.

Anungji Nagaland nung item mapa shidak meinyakba ajiteter aser court mezüngmeshiba amai sayur, kechiaser Supreme Court totuyuba nung aliba ama inyakttsü melen Mission Director-i nurse tem anogo tenet tsüngda mapai meyipa arutsü metetdaksü aser iba totuyuba sülen manidakertem tarutsü nung sorkar mapa inyakttsü/angutsü asoshi timtem asütsü, ta shia lir, ta sangdong ajanga ashi.

Tang ama bendanga amshiba yimya nung tashi tulu aliba lokti tentet temi parnokü akhangba ama ngutetaka tashi mait aser tajemzükba jenjang nung alirtem asoshi shibai nokdaksü, ta The Naga Rising ajanga asüngdang.

Iba ama tensa tamajung mapang sorkai COVID cess sen amshia nurse tem itasen timba mükemtsütetsü asü? ta parnokü sangdong nung shia lir.

Nurse tem indang temeden busema parnok mapa yari tim itasen agütsütsü asoshi nokdangba nung nübur ajungai yaritsü mepishir, ta sangdong ajangasa ashi.

Care and Support Children Home puri süngdong atem



Dimapur, Aami/June 07 (TYO): June 6, 2020 nü Kathyinla aser Miazekho Kehie, SDO, Electrical Division, Mokochung nati Care and Support Children Home semdanga liasü.

Kathyinla-i anir Care and Support Children Home nung aliba tanurtemi Yongchak süngdong tema liasü aser yangji alir tila-tanur tem nem chiyongtsü aser nungdakba oset lema agütsü, ta osang ka ajanga ashi.

Kasa mapang Miazekho Kehie-ia Care and Support Children Home pur nem sen 5,000 tenla agütsü aser yangji streetlight inoktsütsü nangzük.

Care and Support Children Home atema iba ama mapa tajung inyakttsüba aser inyakttsü nangzükba atema kanga pelar, aser tarutsü anogotem nungi Tsüngremi tena taküm tali moajang, ta Imchawati Kichu, Director cum Chief Functionary ajanga sangdong ka nung lemsatap.



Bodoland People's Front (BPF) züngsem aser Tamulpur MLA Emmanuel Mosahary-i Deobarnü party nungi anenba osang metetdaksüogo aser iba ajanga BTC election agitsü jakdang BPF nung telemasa adokogo.

Arunachal nung June 30 tashi tekülem kitem shibangtsü

Itanagar, June 6 "Arunachal Pradesh Economic Disease Prevention of COVID-19) regulations, 2020 nung ajemdaker June 30, 2020 tashi tamangba yimsü rejutem aser tekülem ki ajaka shibangtsü ta tetuyuba agütsüogo.

Arunachal Pradesh indang health department secretary P Parthiban-i iba osang ya yashi metetdaksü. "COVID19 nungi jenbua alitsü atema Arunachal Pradesh nung tamangba yimsü rejutem aser tekülem ki

COVID-19: Assam nung shiranger nisung 2565 jungogo

Guwahati, June 7 ashiba agi, Hojai nungi nisung 39, Dhubri nung 24, Nagaon nung 10, Golaghat nung 7, Majuli nung 6, Lakhimpur nung 5 aser Dhemaji nung nisung 1 densema Deobarnü state nung nisung 92 dak COVID-19 tejangja putetogo.

Twitter sangdong ka ajanga Assam Health Minister, Himanta Biswa Sarma-i COVID-19 agi shiranger nisung 2565 rongnung nisung 588 taneptsü nguogo aser nisung 1970 shirangdar. Iba den külemi nisung pezü taküm samaogo.

Meghalaya nung nisung ka dak COVID-19 putet

Shillong, June 7 (Agencies): Khasi Hills tesem kübok quarantine centre nung anepaludar.

Deobarnü iba osang ya Meghalaya Chief Minister Conrad Sangma-i Twitter ajanga lemsatapa liasü.

Iba nisungba ya Meghalaya nunger lir aser tawa Maharashtra nungi tonga aru; aser pa ya tang Anüdoklen more COVID-19 case; total mounts to 34



Lakhimpur kübok Dhakuakhana nung tzümetsüng ajanga kibong 5 tashi pei ki talidak yutsütsüsa tia ka ajuruogo. Laipulia ayong ajanga anentsüh aludang kibong pungu indang kiojen aser alu raksatsü. (Guwahati, June 7)

Mizoram nung nisung 10 dak COVID-19 putet

Aizawl, June 7 (Agencies): Mizoram nung nisung 10 dak coronavirus tashidak puteta, state nung iba wara agi shiranger nisung 34 jungogo.

Deobarnü, Twitter sangdong ka ajanga Mizoram Chief Minister, Zoramthanga-i iba osang metetdakja liasü.

"Yasüng tashi nung ano nisung 10 dak COVID-19 tejangja putetogo. Nübur ajak atema iba ya khuret aser tali kümdangshia alitsüla," ta Zoramthanga-i lemsatap.

Karbi Anglong nung telungpur 4 apu



Guwahati, June 7 (Agencies): Deobarnü Karbi Anglong kübok Dokmoka Police-i Karbi telungpur telok PDCK züngsem 4 apu.

Police-i Therebasa yimtsüng nung parnok apu aser prangpong-injang den taitüsü aketba kulikaket aika apu.

Iba yimtsüng nung telungpurtem lir ta osang tejangja angazükba sülen ta shiogo.

RS election atema Congress-i Lallianchhunga shim



Aizawl, June 7 (Agencies): Mizoram nung Rajya Sabha election atema Congress-i Deobarnü Lallianchhunga shimba osang metetdaksüogo.

Honibarnü party ketdangpurtemi candidate shimshi aser party spokesperson & media department chairman Lallianchhunga candidate asütsü telemteba agi.

Mizoram state Congress nung Lallianchhunga ya lennir tajung rongnung ka lir aser Mizoram University (MZU) nung pa ya political science department nung associate professor lir.

Arishi küm 44 tain Lallianchhunga-i 2000 küm North Eastern Hills University (NEHU) kübok political science nung Bachelor of Arts renem aser kasa university nungsa Post-Graduate (MA-Political Science) asü.

2009-2010 mapang Mizoram Municipality Act, 2007 yangludang pa züngsem ka liasü aser Mizoram Local Government (Panchayati) Act, 2018 nung drafting committee züngsem ka liasü.

2018 nung drafting committee züngsem ka liasü.

Paisa Lokniti (Centre for Comparative Democracy), Centre for the Study of Developing Societies (Delhi) nung Mizoram state coordinator aser New Land Use Policy (NLUP) implementing board züngsem ka ama inyaka liasü.

June 5, 2020 nü Mizoram state Congress-i Rajya Sabha election atema taoba Art & Culture & Transport minister PC Zoram Sangliana shimtsü ta osang metetdakja liasü. Ajisiüaka, yashi parnoki nübo tasen ka shimogo.

Mizoram nung June 19, 2020 nü Rajya Sabha election agitsü. Kasa anogo nungsa Northeast state asem- Manipur, Meghalaya aser Arunachal Pradesh nunga RS election agitsü.

Iba election atema Mizo National Front (MNF)-i taoba party youth wing president K Vanlalvena shimogo aser opposition tongti Zoram People's Movement (ZPM)-i party general secretary B Lalchhanzova shima lir.



TIR YIMYIM YIMOBILEM (EDITORIAL)

DIMAPUR TENTONÜ, AAMI (JUNE) 08, 2020

Ajaki shitak inyaktsüla

Asenok ajaki ochishia linür aser shitak inyakner saka melitetter ta lia aliba mapang ka, tang ya asenok nisung shiai pei mapa nung tamakok maludaktsüi shitak inyaktsüba mapang ka agi ajungbena menepogo. Aji oda, tajung tsütsü bilemdangdi asünungbo tang tasütsü wara tamajung kati asenoka dena menepa aruba ya asenok asoshibo mapa inyakyim ajak nung temelenshi tajung ka arutsü tenzüker asütsü. Joko, tang nungibo asenoki mozü ki dang masü saka nübortem asoshi government-i yangluba kiojen ajak shitak yanglutsü, kechiyong asenoki tang tashi nung government meyong kiojen yangluba ya tajangzük agitsü len tuluba bilema tenüng agidang yanglur, ano karbo teyanglua meyanglui senotsü agimadoker, iba jagi asenok tang timtem talila ajuruba metetter. Ano, tia mejungra iba amai shiranger repranger mereprangbo timtema alidang menoknok tulu anakra, ashiko, government-i yangluba kitem aika chirepa adoktsüa akok, kechiyong asenoki iba tashiji bilema meinyaki jenjang dalang apia osettsüset alia enoker aser tilaba yanglur. Ajisüaka, asenoki angatetsüba kaji, kechi mapa nung südirsüaka, meshitak inyakba nungji timtem lendong lir. Mapa ka meshitak inyaka yutsüba nungji tanübo tajangzük anguba agi temoatsü angur amai bilemer saka tanübo temoatsü agi asen atema lendong asütsüsa mapang arur. Tanü amai tashidak wara tamajung agi amokmerenba mapang, government file nung aliba amato, tesem ajaklen Sub-medical center nung tenzüker District Hospital tashi shitak anepalua ali asübo, tang amai balaka shisamebulula. Aji oda, item mozü kitem nungji anogo shia inyakertem pei tata shilem shitak shitak inyaka aruba sobaliba ali asübo, tang amai tashidak wara tulu aruba mapang ya timtem kangabo majurula. Joko, mapang talangka tanishirtemi anir mashimashi inyaka arunungji, tangang ano khen asentenshia pei pei inyaktsüba wadang bushia adenshiba mapang lir. Aji oda, meshitak, metokmeperi aser takoksa onsara nungji shitak inyakertem dang nungibo ano tai apurtemang teimba kümogo. Iba jagi shitak inyakertembo tezü atanger aser tai pua anidaktsü melen teyariang yarisemdaktsüner. Atangji, tang tensa mapang ya kitsük kirong lendong ataloker amai lir, anungji mi adokba taiji bushia mekazüi miji tama tepseptsüla ta jembir. Aji kanga shitak miji tama tepseper külen mi adokba kuliji bushitsü. Ajisüaka, ano külen yimti ajunga rongyonga aodang, nisung ajaki yaritepa miji tepseptsü meranger masü saka karbo iba ama lendong mapang nungjiang auyatsü meranger. Anungji, ki terongdak nung asüyonga nisung karibo item auertemji aputsü mesüra nokdangtsü merangtsübaji kanga tongtibang mapa ka akümer. Aji oda, külen ki aronger saka külen karibo auyar ta asüba tensa taiji mesüka asen lima nung ataloker. Joko, asenok aika atema auyaba mapatemang pei mapa shitakba amai kümadok nunngji, temelenshitsü tasak aser auer atema auyatsübo kitsük kirong mapangsa tajungba. Ibaji meteta, senosangertem karibo nüngsen agia tai pua anidaktsüla aser tanüngba purtemi pei pei akokba mapa nung mezüyatepi yariteptsüla.

OLEMSABANG

COVID-19 WARAI SARASADEM TASEN AKHANGER

- Wati Longchar, Serampore

(Yashi adok nungi...)

Mezüngbuba nung, Farisi nungbai pa temenen, tashi mait mebushii tangar majungba, tashimaitba dangajitet. Pai inyakba aser bilemba ajakji temeshi, tajung, shitak, aser tangari inyakbaji taita bilemba mulungsentsüka angur. Taküm kümzüksü, jungdaktsütsü, anütsütsü ta asübaji masü amognü, aser ozüngjiang tongtibangba kümdaktsü. Iba sarasademji Yisui aitsür. Tanüa aikati tangar atemabo sarasademtsür, saka pei taibo mebiler aser majiteter. Anungji tangar tai dang apuba aser tilua jembitsür dangji Farisi jakla ta jembir. Pei temenen, tashimait mebushii sarasademba tazungla ta sayur.

Tanabuba nung, temulung meyipa mapa agi mesayura sarasademji tazungla ta sayur. Tuku nung tsünga Oh Tsüngrem ni temenen nisung ta sarasademba mapa agi sayutsüla ta Laishiba nung zülua angur. Yeriko yimti nung alimelen sarasang Zakia kodang temulung meyip, pai Yisu dang ni kü rongsen tesadang ka sensaker nem ni agütsütsü, aser ochimashi agi kar ket nungi langka agia lira, pa nem pezüsü agi tali ni shia agütsütsü ta ashi (Lk. 19:10). Atangji temulung meyipa sarasademba nungji pei tejen mapatem tatok meshiba dang masü ochi mapa inyakba aser meyipa agütsütsü mulungtetba angur. Zakai yamaji inyak. Tiryimyim osang kaket nung May 26,27,28 adok nung Yapang Longkumeri Planning & Coordination Department, Government of Nagaland ajanga RTI koba telangzüba angur, yangji 2012 küm nungi 2018-19 tashi nung 223 hostel, tribal hostel, tribal halls, guest house, lodges, cultural centres, multipurpose buildings, youth centres, working women hostels, EMRS aser tanga aika yangluba agütsüogo, saka mapa meinyak sen dang agizüka agi, aser kari pei jurila kiang asü ta aikati kuli südaki. Zakia amai shibai tuku nung tsünga Oh Tsüngrem ni Naga nung ashioktsüogo, songjem meyong sen ni aoyaogo, ashikelaka bendenba rongsen meyiptsüdi ta shibai shitettsü! Zakia ama, oh sensaker ni ashioktsüogo parnok nem pezüsü meyipa agütsütsü ta shitettsü asü! Ajaki sarasadem saka mapabo mesayuteter. Mapa agi mesayutetba sarasadem dang Farisi sarasadem ta ajar.

Naga nungeri Government sen aoya agiba yabo kecha tai mali amai bilemer. WC Smith-i züluba The Aos Nagas nung yamai zülua lir, "Naga ethics do not cross their village boundary". Pei yimtsüng telongtet nung oset tala ka danga aoya nung senchi achir. Aoyaba, ashioktsüba aser yimden ozüng nung meliteter tapet temerenshi agütsü, saka British nung ki asütsü mesüra tanga oset-tsüset aoyabajibo kecha masü, tai mali; meyiper tasü tait, temoatsü mapaka amai aser teburji mapa amai toshia jembir. Yongji Smith-i Naga nung wain-shin (ethics) ya yim süngküm kübok dang temadoker ta ashiba lir. Tanüa Government nung arok rongsen aoyaba yabo kecha masü amai bilemer. Pabo/labokanga tia aka "income", "side income", "out income" aliba department kati aiba agi kinunger ajak tongzüker ta peleteper aser ano tali mojangni ta sarasademtsür. Farisi No. 1 dang iba dangji ajar. Tenük agi manguba tajangzükji arogo mission mapa asoshi tenlaa mapa inyakteper. Mapang ka nung medemer kati par ki tasen meshitettsü sarasademi jaok. Pai kecha tarendak makai (mongsen nungmaja maja dang ta ashir) dang iba ki ya mata-mabensar (persons with disabilities) tenüng nung sen meshizüka asüba ki ta teburji mapa inyaktetba amai teyak sanga ashi. Pai auüya asüba ki ta temulung nung kecha tarendak mali ta ajitet. Ni sarasadem dang oren ka yamai shisem, "Oh Tsüngrem, onok temenen pur aser pei ajung dang asaa inyakertem. Iba ki mata-mabensar tenüng nung agizükba sen agi yangluba ki süra, par kibong nung, chirnurtem rongnung, semchirtem rongnung iba kidang mata-mabensar alitsüsa tesotetdaktsüma. Anojungi mata-mabensar alitsüsa accident balala nungi par kibong kümzüka yujangma" ta sarasadem yutsü. Iba sarasademji tangatettsü tulu lir ta mima kü dang karibo ashi. Medemerbai ajurudang pai ashir, "Mapang shia ne sarasademto bilemteterano" ta ashir. Joko melenshir alitsü teti sarasademangma tasa shir yutsür. Yimlar nisung aikati old age home, orphanage home, tribal women hostel amala tenüng nung pei jurila ki-o-jen süa aliba angur. Auyaba aser rakzükraktema asüba kidang taküm piyong pelaseta alitsüna? Tesüngrem dang tenüngsang agüja sarasademtsü aktsüla. Sarasadem den mapa agi sayutsü akanger. Yisu dangi nisung katiarua asüngdang, "Tesayur, teti taküm angutsü asoshi ni kechi mapa tajung inyaktsüla?" Yisui pa dang ashi, "Nai nisung tetepset, nai nüktapangta tebenshi, nai tauya, nai tiyazü kuli teyi, nebu aser netsü akhüm tsübuang; aser nai ne kiyonger dang pei ama meimang." Asangur jagi pa dang ashi, "Item ajak ni benshia aruogo; ni ano kechi agi matoksa?" Yisui pa dang ashi, "Nai tabensa kümnüra, oang, na akaba yokang, aser sensaker nem agüjang aser kotak nung ne rongsen akatsü; aser arung kü sülen anitakang." Yisui yamaji ashidang pa jashia oadok, kechiaser pa rongsen jenti akaba nisung ka liasü. Takari kotak yimli-i aitsü tasak. "Takar nisung kati Tsüngrem yimli-i aitsüba dang nungibo ajem ki ka ateta ut aotsü temelaba" (Mt. 19:21-24). Kodang alimelen sarur Zakia-i noktaka Kibuba dang ashi, "Ajiang, Kibuba, kü rongsen tesadang ka sensaker nem ni agütsüdi, aser ni tai agi kar ket nungi langka agizüka lira, pa nem pezüsü agi tali ni shia agütsütsü." Idangji Yisui pa dang ashi, "Tanü iba kidangi tekümtet arua lir kechiaser pa-a Abraham chir." (v.24). Covid-19 wara ajanga Tsüngremi sarasadem tangatetba tasen Naga nung dang nungiakhang. Anemsü sarasadem masü saka ochi sarasadem akhang. Zakai ama auyaba menen nangzüki aser meyiptsüdi, anemsü yimya indokti. Khristan tajung ka ama lidakjang ta Tsüngrem dang mepishidi. Amen

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

UK nung June 15 nungi nija sarasadem atema Tenla ki lapoktsü



June 07, 2020: June 15 nungi UK nung Tenla ki aser tanga tekülem kitem nung nija sarasadem agitsü atema lapoktsü, ta UK sorkari metetdaksü.

Tekülem kidang nija sarasadem agitsü atema melatsü saka tangar anasai maotsüla, ajisiüaka lokti tekülem, kiyimba sentong aser tanga sentongtembo memelatsü.

London nung sorkar ketdangsertemi ashiba agi, coronavirus tashidak prokba nokdangtsü atema tenokdangba balala agientsü atema sorkar asalentong tasembuba kübok tekülem kitem densema lir, aser July 4 tashibo tekülem kitem sademsadema melapoktsü.

Dokantem lapoktsü temelaba agütsüyonga tekülem kitem nokdangba agi amangbapurtem aika temelung yiruogo, ta minister tem nem metetdaksüogo.

Shilem lemsar tekülem kitem lapoktsü atema taoba ita sorkari tamangba yimsü balala nungi lenirtem anioksema taskforce ka tenteta liasü.

Coronavirus tashidak nokdangtsü atema taküm March 24 nü Church of England-i tekülem ki ajak shibanga liasü; iba sülen asüpila sentongtem-a leper nung ang agia arur. Ajisiüaka Arogo putirtemi kidang nungi Tsüngrem O jembiba sentong online ajanga amangbapurtem den lemsatepa arur.

Communities Secretary,

Robert Jenrick-i, "Tekülem kitem tanaben lapoktsü, ta ni züngbong ashir, aser ibaji nija sarasadem agitsü atema tekülem kitem lapoktsü melaba nungi tenzüksü," ta metetdaksü.

"Asen linük nung ajak ajungtsü atema parnoki (Arogo) mapa tajung inyaker. Ato kilonseri tekülem kitem lapoktsü atema maparenji June 15 nungi tenzüksü ta sangdongogo. Communities Secretary ka ama ni tamangba yimsü balala nungi lenirtem den külemi ajak kümzüka alitsü atema telatetbatem yangluogo," ta metetdaksü.

"Tamangba yimsü balala ajaki kanga aremzüka aruogo, kechiyong parnoki Easter, süi aoba benjung, Ramadan mesüra Vaisakhi sentong mendemer aser kibong züngsemtem den magitet. Asenoki iba tashidak wara nokdangba mapang nung tekülem kitem lapoktsü atema maparen inyakdar," ta pai metetdaksü.

Sorkar otongdar tetsür kati, "Iba ama mepetmesü aliba mapang ka nung nüburtem sarasademtsü, pei tamangba yimsü bentshitsu aser asürtem atema mangyimtsüji kanga tongtibang, ta Ato kilonseri bilemer," ta metetdaksü.

"Tamangba yimsü balala nungi social distancing bentshirtem dang Ato kilonseri pelar. Ibayongji pei nüburtem kümzüka yuogo," ta lai metetdaksü.

"Coronavirus tashidak memenai nijatemi sarasademtettsü atema onoki tekülem kitem lapoktsü atema sentong yangludar," ta laisa metetdaksü.

Communities Secretary, Robert Jenrick-i twitter ajanga, "Nija sarasadem agitsü atema June 15 nungi tekülem ki ajak lapoktsü ta ni tepela nung sangdonger. Iba maparen ya kanga kümdanga inyaktsü atema kü den inyaksemer (tamangba yimsü balala nungi lenirtem) ajak dang ni pelar. Iba linük nung nisung million aikati iba ama osang ya yongyaa liasü ta ni amanger," ta metetdaksü.

Church of England's Recovery Group nung Chairman aser Bishop of London, Dame Sarah Mullally-ia, sorkari nija sarasadem agitsü atema Tenla ki lapoktsü atema melaba osang pelaa agizükogo.

Lai, "Sorkari shisa agütsüba dak sendakba nung Tenla kitem tanaben lapoktsü atema maparen tenzüker, aser iba ya ataloktsü atema tetuyubatem yongyaa atar," ta metetdaksü.

Catholic Bishops' Conference of England & Wales President, Cardinal Vincent Nichols-ia, Tenla kitem tanaben lapoktsü atema maparen tenzüker ya temoatsü tuluka lir, ta ashi.

Nichols-i, "Mezüngbuba mera ya ajanga asenoki angazüker aser tekülem sentong agitsü atema renemshia atar," ta metetdaksü.

ANOGO ABEN TSÜNGREM DEN

AGÜTSÜBA NUNG TSÜNGREM SENTSÜWANGSHIDI

Nisung kati mokurui agütsür, saka tali akar; tangar kati pai tangütsütsü tim sota ayur, saka tanüng dang tendaktsür. A.Shin 11:24

Tamang agi tenlaba ajanga rongsen dang züiner masü saka tamang nung ainer aser meyiba tali asen nem maotsür. Tenlaba yagi tamanger taküm nung Tsüngrem dang bendanga amangba kuli ka sayur. Aser iba ajanga taküm rangben Tsüngrem meyong aser asenok Tsüngremer rongsen ketdangtsür kaka jangjadaktsür.

Anungji tershilem aser koba Tsüngrem nungi maotsüba tenlasa tenladir, temulungjang taroktiba nungi mulungsoa tenlatsüla. Tamanger tajung aikati asen nem Tsüngremi moatsüba nung tershilem tenlatsü nungnanger aser asen tangatetba balala nung tershilem amshir. Saka kodang Laishiba tesayuba nung reprangdangdir Malaki 3:10 nung Tsüngrem O-i yamai ashir "Kü kidang chiyungtsü akatsü asoshi tershilem ajunga terizüngdak kidangi bener arung..." Tenla balala agütsüba ya asen nem Tsüngremi moatsüba nung asen tamang yari aser Tsüngremi meimba nungi tenlar, ano tershilem yabo Tsüngrem meyong, anungji noklang nung terjibo tepela agi Tsüngrem tenüng sanga menungnangi, tarendakba kecha makai agutsütsüla. Atangji, pai Moatsüba nungi ochishia Tsüngrem nem tenlaba nung shilem agidi.

SARASADEM

Temeim Tsüngrem, Nai moatsüba nungi onoki ochi agi agütsütsü aser Ne temoatsü asoshi Ne dang pelar. Amen.

Khristan taküm nung Yoga meputep: Greek Orthodox Arogo

June 07, 2020: Greek Khristan taküm nung meputep. Orthodox Arogoi par Iba (Yoga) ya Hindu nung züngsemtem dang, Khristan tamangba yimsü nung tamangba yimsü nung yoga ji khenyongi mapet, ta metetdaksü.

Coronavirus tashidak tensa mapang nung anibelem pungbatsü atema nisung aikati yoga bentshi tenzüker, ta osang angazükba sülen tawa Athens nung Synod senden aliba mapang nung Orthodox Arogoi Khristan taküm ka nung yoga ji mapet, ta telemtetba agi.

Greek Orthodox Arogoi sangdong ka ajanga, "Orthodox Arogo tamang jenjang nung Yoga ji khenyongi mapet aser

Yoga ya küm 2,000 dak tejaken tenzüka liasü aser iba ya Hindu yimsü aser Buddhist yimsü naprong den sendaktepa lir. Ajisiüaka tanü putu nung iba ya tamangba yimsü den mesendaktepi exercise ka ama bentshir.

Tawa Devon (England) nung aliba St. Mary's Arogo nung yoga class nokdangba sülen Church of England nunga iba onük nung tashishitep adoka liasü.

Iran nung Islam yimsü toktsür Khristan akümer pezü jail-i yok

June 07, 2020: Religious Par pezüpronglaji Church of freedom charity- Middle East Iran nungi lir, aser yaküm Concern-i sangdong ka ajanga parnoki linük security anema alima nung Khristantem dang inyak, ta parnok nem tai Iran nung Muslim nung pezü tonglokja liasü. Parnoki aibelena Khristan yimsü dangi meyipba mali, ta shiaka taküm February ita nung par pezüprong aija anungji parnok bilemteta temerenshi obendang agütsü.

sarasademjang, ta mepishia Par pezü rongnung asebo metetdaksü. kibong kümogo aser Khristan yimsü dangi Mohammad bo kibong maküem. meyipertem- Hossein Kadivar, Middle East Concern osang Khalil Dehghanpour, Kamal ajanga ashiba agi, "Tsüngremi Naamanian aser Mohammed par pezü kibong züngsemtem Vafadar nung küm pongu nem tesünep agüjang aser tepoukdak ayutsü atema parnok kibong nüngdaktem obendang agütsüba sülen tan moajang ta hopta tepoukdak tamajung- Evin sarasademdaktsüner, ta par Prison nung puokogo. medemertemi mepishi."



Kolkata, June 07, 2020: Coronavirus tashidak prokba nokdangtsü atema India linük tesem ajunga shibanger lia Amongnü Kolkata nung aliba St. Theresa Tenla ki lapoktsü lia nisung kati Yisu Khrista kürakyanglu merükba (ajichilen noksa) aser menden merükba noksa nung angur.

OLONG PAITEP # 5482

1			2					3		
4							5			
						6				
				7						8
		9								
							10			
11										
13										

TIPIEN	LANGTSÜNGLEN
2. Teka mapa tajung - (8)	1. Anepalua inyak - (7)
4. Anakshinüba - (5)	2. Teptsü - (4)
5. Süoshi agi tazü - (4)	3. Nok agi raratep - (6)
9. Aria bilemtep - (7)	6. Kibong aküm - (4)
11. Ajemalu ozü - (4)	7. Nüji masü - (4)
12. Tzü an - (5)	8. Taruba küm - (7)
13. Teben teloktep - (8)	9. Teka shidok - (6)
	10. Meputep/Mapet - (4)

OLONG PAITEP # 5481 TELANGZÜBA

TIPIEN :	LANGTSÜNGLEN :
1. Yimlibilem, 4. Anak, 5. Tangar,	1. Yongya, 2. Moko, 3. Marok,
7. Aya, 8. Arong, 11. Par, 13. Lemjem,	5. Teronem, 6. Nung, 8. Amajok,
14. Oagi, 15. Mulung.	9. Jangzü, 10. belem, 12. Rong.

SOPANGBA QUARANTINE NUNG AMONGERTEM ATEMA PROJECT

YANGLUR :

Kiyonger - Oh..Hoi.... Oko Sopang, tanepbo na kimai alua manguba agi ken angudangerako ya... Ya kechi inyaker!

Sopangba Kiyonger - Project ka yanglur

Sopangba - Kechi project, rasaa shiangjo!


Sopangba - Na..a.. Bendang tesem balala nungi arurtem anogo 14 tashi chiyungli kazüli ta asüba ya shidakba nisungchi temibo maremer, anungji jaka alidakbo kitchen garden atema kangshia masü, temulungeri anepdang, nikongtsütsü, parnoka sütoksünema, ali angensaa, tsünüsempongtsü inoktsü, koba mapang südir süaka, tzü peria agütsürbo ajungtsü, anungji parnoka mapang ao memetet süitsü, aser chiyongtsü organic achitsü, aansotsü nung sen meindoktsü, pei inyaktetba anguba, achiba tepelaji balaka, anungji district shia iba project yanglua yoktsü ariteper. Yamaji inyaktetra India tesem nungi aruba Naga nunger dang Govt. ia pelatsü, asen Naga nunger atema osang tajungji aji asütsü... Ajita masü nungbo tangari sorojoka agütsüba chiyungbar, quarantine temer kidangi yokdang iba yimyajü beshidaktsü nungbo tsürabur ayatai tiai idaktsütsü. Ni Sopangbai Naga nunger tia asadanga iba project atema mapang indoker.

Kiyonger - Oh Sopangba... Nasa tabensaba anih.....

Lilir : Aienla Ao

Tanur asoba anogo nung salem osang den noksa angati adokdaksünura - Tenüng, Küm, School, Talidak & salem osang tejanga zülur, noksa (photograph - any size) ka den anogo 3 mesüra 4 jella e-mail : tiryimiyim@gmail.com nung yokang mesüra Tir Yimyim bureau tem nung agüjang.

Tepela Tasoba Anogo



1. Tenüng :
 2. Tasoba anogo:
 3. Küm : 4. Class :
 5. School :
 6. Talidak :
 7. Salem osang :

TANÜBO NAI LANGZÜANG

Q. Koba küm Confederation of Indian Industry (CII) tenzük?

A.1888 B.1895 C.1903 D.1907

(Taruba adok nung onoki langzüsü)

YASHI ADOK TELANGZÜBA : Kiran Mazumdar-Shaw

NAI-A YA METETTER MA?

INDIA NUNG NÜNGTUGU IT (INFORMATION TECHNOLOGY) COMPANY TEM: 2020

	Revenue
1. Tata Consultancy service	Rs 152,497 Cr
2. Infosys	Rs 87,371 Cr
3. HCL Technologies	Rs 65,643 Cr
4. Wipro Limited	Rs 60,137 Cr
5. Redington India Ltd	Rs 47,996 Cr.
6. Tech Mahindra Ltd	Rs 35,119 Cr
7. Larsen & Toubro Infotech Ltd	Rs 10,014 Cr
8. Mphasis Ltd	Rs 7,973 Cr
9. Mindtree Ltd	Rs 7,375 Cr
10. Hexaware Technologies Ltd	Rs 5,306 Cr

SUDOKU # 5524					TELANGZUBA # 553												
		9	6	3	7	5	2	8	5	6	7	9	4	1	3		
3		8		5		4		7	6	1	8	3	4	2	9	5	
		1		7	3			4	3	9	1	5	2	6	8	7	
6			5	8	4	9	1	7	6	4	3	7	9	8	1	5	2
	8		3	9	1		6		1	5	2	4	6	3	8	7	9
9	1	4				8			8	9	7	2	1	5	3	4	6
	3		4	9		2			5	7	8	3	2	1	9	6	4
8	5		1	6					3	1	6	9	4	7	5	2	8
4	9			8	1				9	2	4	5	8	6	7	3	1

OJANG LUTEP # 5072

TIARAQUNNE :

NGNU :

RTEUNGAMEM :

TEMDANKETGSERI :

AIBSHA :

NGAA :

NGTMUET :

ÜBASO :

DAKO :

UNJGLA :

OJANG LUTEP TELANGZÜBA # 5071

NISUNG TANELAI PEI LEMTETBA TIZÜKTSÜ SAKA
 TERAкса TANELAJI SHIBAI AREMZÜKTET

TAN HOPTA ATEMA - KOMA SÜLA ?

Q. Covid 19 Quarantine center ya Nagaland ajaklen Arogotemi dang medical doctortem den angatettepa anepalu nunga koma süla ?

Olong 20 shi nung June 12, 2020 tashi nung iba telangzuba ya onok dangi (e-mail - tiryimiyim@gmail.com) :
 (SMS - 9856121232 / 9436072422) : (WhatsApp - 7005723372 / 8729995804) : (tiryimiyim.in) ajanga yokang. Telangzubatemi taruba Honibarnü adoktsütsü.



Patna, June 07, 2020: Amongnü Bihar yimtiba, Patna nung RJD lenir, Tejashwi Yadav den pa tetsü aser party lenir, Rabri Devi nati aayangertem timtem onük nung Bihar sorkar anema longkak aitba sülen osangbenertem den jembiba noksa nung angur.

India-China nati yimjung nung mangatettep bentettsü bangjem

New Delhi, June 07 (Agencies): India aser China na arrtsülen Ladakh nung mepetmesü adoka aliba atema linük ana nungi sepai ketdangsertem senden aiben menogo, aser tesüsa linük anapronglai linük ana tsüingda agreement balala agia aliba nung ajemdaker yimjung nung mangatettep aliba bentettsü atema bangjemogo, ta Amongnü Ministry of External Affairs (MEA)-i sangdong ka ajanga metetdaksü.

MEA-i, tawa hopta ishika India aser China nati diplomatic aser military channels ajanga India-China arrtsü dak sendakba tensa atema jembia aruogo, ta metetdaksü. June 6, 2020 nüa China tsütsülen Moldo region nung Leh nung aliba Corps Commander aser China nunger Commander na

tsüingda senden mena liasü. Honibarnü Indian Army aser China People's Liberation Army Lieutenant General jenjang nung senden amen. Iba senden nungji adener India nunger sepai ketdangsertemi Army tongti, Gen M M Naravane aser Northern Army Commander, Lt Gen Y K Joshi na nem senden nung jembiba osang metetdaksü aser Army Headquarters nung Directorate General of Military Operations-i senden nung jembiba osangji MEA nem metetdaksütsü sülen tanü MEA-i, "Linük anapronglai linük ana tsüingda agia aliba agreements nung ajemdaker yimjung nung iba mangatettep ken o bentettsü atema bengjemogo aser linük ana tesendaktep tsütsü lenla ajak

ning terenlok alitsü atema India-China arrtsülen yimjung alitsü nüngdak, talinük anapronglai nungi lenirtem bangjemogo," ta metetdaksü. Ministry-isa, India aser China na tesendaktep yangluba sülen taküm küm 70 ajunger, anungji tekaraba nung mangatettep aliba onük bentettsü ajanga linük ana tesendaktep ano tajungba akümtsü, ta linük anapronglai bangjemogo, ta metetdaksü. 2018 küm China kübok Wuhan yimti nung India Ato kilonser, Narendra Modi aser China Tir, Xi Jinping na senden amenba mapang nung lenir anapronglai linük ana tesendaktep tajungba akümtsü atema India-China arrtsülen aliba tesem ajak nung yimjung aser tesünep alitsüji kanga nüngdak, ta bangjema liasü.

Covid-19 agi tamajungba kongshiba linük 5bubaji India kümogo

New Delhi, Aami/June 07 (Agencies): Alima nung coronavirus tashidak agi tamajungba kongshiba (iba tashidak timba putetba) linüktem rongnung jenjang 5bubaji India kümogo, kechiyong Amongnü (June 7, 2020) tashi nung India nung nisung ajak agi 2,46,628 dak coronavirus tashidak puteta Spain linük den timba aküm. Spain nung tang tashi nung nisung ajak agi 2,40,978 dak coronavirus tashidak putetogo.

Alima nung iba tashidak timtiba putetba linük ponguji US, Brazil, Russia, UK aser India lir. Amongnü India nung ano nisung 9,971 dak coronavirus tashidak putetogo; joko anogo pongunü tashi linük nung anogoshia iba tashidak timba-timba puteta arudar. Tang tashi nung India nung nisung ajak agi 2,46,628 dak coronavirus tashidak putetogo aser asür ajak agi 6,929 jungogo, ta Union health ministry-i

metetdaksü. Tesüiba ghonda 24 tsüingda India nung iba tashidak agi nisung 287 asü. Tang India nung iba tashidak agi teshirangdakpur 1,20,406 lir, nisung 1,19,292 bo anepogo aser ka bendangleni ogo, ta Health Ministry-i metetdaksü. Tang tashi nung iba tashidak agi shiranger shilem 48.36 bo anepogo, ta Health Ministry nungi tongti ketdangser kati metetdaksü.



New Delhi, June 07, 2020: Amongnü Rajghat, New Delhi nung Delhi BJP Tir, Adesh Kumar Gupta-i ozülü ka amer party MLA tem den külemi coronavirus tensa dak sendakba nung Delhi sorkar anema longkak aitba noksa nung angur.

Culture Ministry-i June 8 nungi monuments 820 lapoktsü melar

New Delhi, Aami/June 07 (Agencies): June 8 nungi Archeological Survey of India (ASI) kübok Central sorkari wazüka ayuba tekülem kitem densema nüngshi kiojen (monuments) 820 tanaben lapoktsü atema Union Culture Ministry-i telemtetba agiogo, ta Amongnü Union Minister, Prahlad Patel-i metetdaksü.

Union Minister, Patel-i twitter ajanga, "Tanü Culture Ministry-i June 8 nungi ASI kübok nüngshi kiojen 820 tanaben lapoktsü atema melaogo. MHA aser Health Minsitry-i latettsüba ajak benschitsü," ta metetdaksü.

Ano tanga sangdong ka ajanga pai, item monuments ketdangsertemi Health

Ministry-i coronavirus tashidak dak sendakba telatetbatem ajak benschitsü aser tesemdanger ajaki mask agitsü, ta metetdaksü.

Coronavirus tashidak nokdangtsü atema ASI-i Ministry of Health & Family Welfare, Govt. of India-i tuyuba Standard Operating Procedures (SOP) benschitsü aser Ministry of Home Affairs-i tuyubatem benschitsü, ta sangdong nung shia lir.

Ministry of Home Affairs-i tuyuba nung ajemdaker culture ministry-i ASI-i ketdangtsüa anepaluba monuments ang June 8 nungi lapoktsü atema mela; item rongnung Nila Mosque (Hauz Khas enclave), Qutub archaeological area aser Lal Gumbad (Delhi) densema lir.



New Delhi, June 07, 2020: Amongnü New Delhi nung Union Home Minister, Amit Shah-i video conferencing ajanga Bihar assembly elections atema Jan Samvad rally tenzükja jembiba noksa nung angur.

June 11 nung WB & NE nung tzüngluruwa mongpu tenzüktsü: MeT

Kolkata (West Bengal), June 07 (Agencies): Mongolbar (June 9) tashi nung East central Bay of Bengal nung low pressure area ka tentettsü, anungji June 11-12 tashi nungbo West Bengal, Odisha, Sikkim aser northeast states nung tzüngluruwa mongpu tenzüktsü, ta Amongnü Met department-i metetdaksü.

Regional Met director, G K Das-i, "Low pressure area ka tentettsü ajanga northeastern states kar den Sikkim, Odisha aser West Bengal nung June 11-12 nung tzüngluruwa mongpu

tenzüktsü," ta metetdaksü.

Amongnü nikongdanga south Bengal districts aika nung tzünglu arua liasü, aser ibaji ajanga tatsük süngjema state nüburtem kanga anisüngzükogo, kechiyong state tesem aika nung 37 degree Celsius nungi 40 degree Celsius tashi liasü. Tzünglu aruba agi West Bengal tesem kar nungbo tzü metsüngogo.

MeT-isa, taruba anogo asemnü tashi south West Bengal districts nung tzünglu sashia arutsü, iba sülen state tesem aika nung tzünglu arutsü, ta metetdaksü.

TN nung Covid agi shiranger shilem 86 dak tashidak temaitsü maliasü

Chennai, June 07 (Agencies): Tamil Nadu nung Coronavirus tashidak agi shirangertem shilem 86 dak iba tashidak temaitsü maliasü; state shibangba aser tenokdangba balala ajanga iba tashidak nokdangteter, ta Amongnü Chief Minister, K Palaniswami-i metetdaksü.

Taküm February ita nungi tenzükta state nung iba tashidak nokdangtsü atema inyaka aruba osang metetdaksüdag Chief Minister-i, bendang linüktem aser India nung state kar den medemdangra state nung iba tashidak agi shirangertem asüba shilem kanga ajemer, ta

metetdaksü. Paise, state nung iba tashidak nungi taneptsü anguba rate ji kanga junger, ta metetdaksü.

Tanü tashi nung Tamil Nadu nung nisung 30,152 dak coronavirus tashidak putetogo, nisung 251 süogo aser nisung 16,000 bo anepogo.

"June 4, 2020 anogo tashi nung state nung nisung lakh 5.50 dak iba tashidak tendangogo. Item tetendangba ajanga, coronavirus tashidak puteter rongnung shilem 86 dakbo iba tashidak temaitsü maliasü, ta onoki jangja," ta Palaniswami-i metetdaksü.

HEALTH NURSING SCHOOL



Singrijan, Dimapur
Affiliated to Assam Nurses' Midwives' and Health Visitors Council
Approved by Govt. of Nagaland



ADMISSION OPEN FOR

- 1. GENERAL NURSING & MIDWIFERY (GNM)
- 2. AUXILIARY NURSES & MIDWIVES (ANM)

Forms and application can be obtained from the office during office hour

For more information you can visit our website:
www.healthnursingschool.com

Or email us at: healthnursingschooldmv@gmail.com

CONTACT NO :

+919366938995,
+919856583312,
+919774043387,

Pak court kati Imran Khan nem tetuyuba agütsü

Islamabad, Aami/June 6 (Agencies): Pakistan nung okadak kati PML-N tir Shahbaz Sharif-i benokba defamation case ka dak sendakba nung Ato Kilonser Imran Khan nem notice ka agütsüogo. Shahbaz-i Pakistan Tehreek-e-Insaf (PTI)



Imran Khan

mendenbuba anema ken o benoka aliba takaratiba nung obendangtsü khangogo, koba küm asem tashi bangdaka lir.

Ato Kilonser Khan-i 2017 küm April ita, Shahbaz-i pa nem arishi küm 70 tain taoba ato kilonser aser pa teti tambusang Nawaz Sharif anema Supreme Court nung Panama Papers ken o benoka aliba agintsü asoshi külem medemer ka ajanga USD million 61 agütsü, ta shia aitsü. Sharif shiba dang London nung temang anepaludar pa ya Pakistan Muslim League-Nawaz (PML-N) lenir lir. Panama Papers case nung

Supreme Court-i 2017 küm pa Ato Kilonser mapa nungi anentsü. 2017 küm anti-graft body-i Sharifer kibong anema Avenfield properties, Flagship investment aser Al-Azizia steel mills dak sendakba nung ochimashi ken o benok aser Supreme Court-i obendang agütsüba sülen pa mapa nungi anentsü.

Ajisüaka Khan-i, National Assembly nung opposition lenir Shahbaz tenüng nung pa nem USD million 61 agütsüasang tenüng memetdaksü.

Lahore Additional District aser Sessions Court-i

Hokolbarnü Shahbaz indang application June 10 nü angadangtsü latetogo, kong pai Ato Kilonser-i taoba küm asem tsüngda tezüluba nung telangzüba ka magütsü aser iba ajanga ken o tejakdangi bener moteter, ta shia lir.

"Iba ken o 60 ben angadangogo aser Khan okatsüri 33 ben tashi thina atatsü mepeshi. Iba ken o tatesa angadanga mapang COVID-19 tashidak pokteter aliba ajanga Khan advisor tongtiba Babar Awan, Islamabad nungi Lahore-i marutet ta okadak metetdaksü aser June 22 nü ken o angadangtsü asoshi lateta toktsü," ta Shahbaz indang counsel kati okadak ashi.

Ozüng kübok, pai ashiba agi, PM Khan tenüng nung Awan okadak menokdaktetsü kechiyong pa PM indang advisor kümogo. (Maneni tapak 10 nung...)

Germany nungi sepai anintsü Trump-i tuyu



Donald Trump

Maine, Aami/June 7 (Agencies): US tir Donald Trump-i Germany nungi sepai 9,500 anintsü asoshi ozüng agütsüogo, ta US ketdangser kati Hokolbarnü metetdaksü. Iba jenjang agiba ajanga Europe nung US tenangzüba dak sendakba nung tebilemtsü adoktsü akok.

Iba tetuyuba agütsüba sülen Germany nung US sepai 34,500

aliba 25,000 dang akümtsü. Ketdangser kati ashiba agi, Trump-i iba ita G7 senden ayonga amentsü asoshi sentong yangluba German Chancellor Angela Merkel-i magizükba ajanga tena tsüngda mangatettep aliba dak iba inyakyim kecha sendaka mali, saka iba ya America nung military officer tongti, General Mark Milley, shiba joint chiefs of staff mendenbuba lir, pai ita aika inyaka aruba süngiang lir.

Ano ketdangser tanabubai ashiba agi, sepai 9,500 ya tangaleni yoktsü. Sepai kar Poland-i yoktsü aser kar tembar linüktemi yoktsü aser kar kidangi meyipa anir arutsü.

Ketdangserisa, US-i aniba NATO military alliance-i Germany nung defense dak sendakba nung indokba apira, sepai aika toktsütsü nungdak melei akümer, ta ashi.

Tanabuba ketdangser-isa, Trump indang national security adviser, Robert O'Brien-i tawa tezüluba nung tenangzüktepba nung sign asüba sülen temelenshi asoshi tetuyuba agüja liasü. United States-i iba sentong ya Septeber ita nung yanglu tenzüik aser tangang takok ngua inyaktetogo, ta ashi.

Senate Armed Services Committee nung Democrat, Senator Jack Reed-i ashiba agi, iba jenjang agiba ya tagidak maka ta shiogo.

Kasa mapang nung Carnegie Endowment for International Peace, Andrew Weiss-i, iba jenjang agiba ya Russia asoshi sempet tulu lir, ta ashi.

"Trump-i inyakyim ka ajanga maneni asenok tembartem ya political tsütsü asaya ka dang ta sayuogo," ta Weiss-i tweet asü. (Maneni tapak 10 nung...)

OFFICE OF THE
TAMAJANGTSÜR TELONGJEM CHANGTONGYA TOWN
MOKOKCHUNG:NAGALAND

Tenüngsang Agütsür

KR. OTIKALA D/o. Wb.I. Sowa Jamir aser Wt. Mapurenla-i Stella Higher Secondary School, Kohima nungi HSLC Examination 2020 nung Top 13 jenjang nguteta tenüng tajung bener atutsüba atema Tamayangtsür Telongjem Changtongya Town ajanga pelaba den tenüngsang agütsür.

Tsüngremi nu taküm aser wadangtem nung maneni mojangma

Sd/-
Tainla Imkong
President



Sd/-
T. Arenla
General Secretary



Office of the
YAONGYIMSEN SENSO TELONGJEM
Dimapur - 797112, Nagaland

Tenüngsang Agütsür



Kr. Alemtola



Kr. Wangshirenla Longkumer

Yaongyimsen Senso Telongjem Dimapur aser Yaongyimsen Tetsür Telongjem Dimapur ajanga jala **ALEMTOLA** D/o. Wb. R.C. Tocy Ao aser Wt. Temjenmongla jala University of Hyderabad nungi Ph. D Philosophy, Title : "Aesthetic theory of Visvanatha : A study in Classical Indian Poetics" nung Doctorate degree jenjang ngutetba aser jala **WANGSHIRENLA LONGKUMER** D/o. Wb. Odikokba Longkumer aser Wt. Moasenla Imsong HSSLC Science Stream tatidang nung Top-5 aser Computer Science State Subject Topper jenjang tajung nung takok tulu nguteta tenüngsang bener arutsüba atema YSTD aser YTTD ajanga tenüngsang aser tetushi agütsür. Tsüngremi nena taküm aser wadang tarutsü mapang ano maneni moajung ta sensosanger ajak sarasadem.

Sd/-
Latong Imsong
President, YSTD

Sd/-
I. Meyi Lkr
Gen. Secretary, YSTD

Brazil nung coronavirus data indoker

Brasilia, Aami/June 07 (Agencies): Tir Jair Bolsonaro-i coronavirus tashidak wara junga ketdang masüba atema taitsüba liaka Brazil nung sorkar indang website nungi ita aika indang COVID-19 data indokogo.

Health ministry ajanga ashiba agi, joko tesüiba ghonda 24 tsüngda iba tashidak putetba aser tashidak agi asüba indang osang dang metetdaksütsü ashi linük timba nung sangdongba ama ajak bendener memetdaksütsü.

Iba ama cumulative data ajanga tang iba tashidak tensa indang mesayuteter, ta Bolsonaro-i ashi.

Alima nung coronavirus tashidak timtiba puteta aliba linük rongnung Brazil ya tanabuba nung lir, aser tawa iba linük nung nisung asüba ama danga linük nung masür.

Iba Latim America linük nung nisung 640,000 dak tema iba tashidak agi menepa lir, saka nisung iba dak nungi timba dak tashidak ya mena alitsü südi ta amanger, kechiaser iba linük nung tashidak junga mesemdanger. Brazil nung nisung 35,000 dak tema süogo, koba alima nung asürtem rongnung jenjang asemuba nung lir.

World Health Organization (WHO) ajanga ashiba ama linük shibangtsü memolungba atema far-right telok nungi lenir aitsü, aser Hokolbarnü iba telok nungi per linük ainshitsü amokmeren aser WHO ya "partisan political organisation" ka lir, ta aitsü.

Taoba ita nunga pau linük shibangba anema nokdaker den külemi nokdak aser social distancing yimya mamshi.

State aser municipality ajanga mapang talangka COVID-19 data bendena aruba official website

nungi health ministry Honibarnü indok.

Iba melen ministry ajanga tesüiba ghonda 24 tsüngda linük nung coronavirus tashidak ya nisung tasen 27,075 dak putet aser nisung 904 asü, ta ashi. Nisung 10,209 iba tashidak nungi tanepsü nguogo, ta parnokisa ashi.

Bolsonaro-i Twitter nung, "cumulative data yagi tang linük tensa mesayir," ta zülutsü saka osangtem indokba mesüra data mesayuba indang kecha masi. Iba tashidak putetba osang tajungba metetsü asoshi mera tali agiogo, ta pai ashi.

Iba telemtetba ya osangbener aser Congress züngsemtemi kanga sashia aitsü. Brazil nung anisung pezü atonga anogoshi nisung 1,000 dak tema asüba sülen item data ya indoker.

Iba linük nung coronavirus tejangja aliba ya US dang nungi dang tajemba lir aser ano tali akümtsü imlar, ta health tsütsü takotet nisungtemi ashir.

Brazil nung iba tashidak agi asüba ya taoba hopta Italy dang timba küma, alima nung linük tasembuba jenjang nung lir. Brazil dang US aser UK nung timba süa lir.

Bolsonaro-i iba virus züpazüyima yutsü aser mezüngbu iba tashdak ya wara tila ka den medemdanga liasü. Tir-i iba tashidak wara süoki ia magizüka mechi health minister ana tashi mapa nungi anenogo.

Tesem balala nung ketdangsertemi yimti-yimtung shibangtsü ozüng agütsüba pai maneni agientsü ashir, aser iba mera ajanga linük rongsenketsüing raksatsütsü, ta ashir. Pa indang sorkar anemtsü mechi governor aser mayor temi inyaker, ta tiri aitsür.



Dimapur, Aami/June 07, 2020: Asen mekuta aliba libajen aser lipuküm kümzüka ayutsü ajungmesotsü aser tekümdangtsü sangdongtsü atema alima tesem balala den liromedema, June 05, 2020 nü Rajeshwari Karuna School Tuli-i World Environment Day anogomung ayongzüka agiogo. Taküm World Environment Day sentong ya 'Time for Nature' omen nung ajemdaker agi aser Rajeshwari Karuna School nungi kaketshir 184 den tesayurtemi pei pei kidang süngdonglidong balala temogo.

Nagaland nung World Environment Day amungba osang

Dimapur, Aami/June 07, 2020 (TYO): Alima tesem ajunga nung World Environment Day anogomung den liromedema, Hokolbar (05.05.2020) anogo nung district balala nung sentong agia liasü.

WOKHA: Hokolbarnü, Wokha DC indang Public Park nung "Biodiversity" omen nung ajemdaker Wokha Forest Division aser Doyang Plantation Division nati Wokha district nung World Environment Day anogomung ayongzüka mungogo.

Iba sentong nung Wokha, Deputy Commissioner, Orenthung Lotha-i jembiba mapang pai ashiba agi, iba ama sentong ka nung lanurtemi kanga dang yakyaka shilem agiba ajanga nüburtem ajungmesor aser asenok libajen kümzüka aser wazüka ayuba nung tekümdangtsü sangdongtsü atema lanurtemi maneni shilem tulu agitsüla ta pai ayongzüka.

Arem wazüka ayuba maparen ya Forest Department kising shilem masü, saka ya nübur ajak asoshi khuret lir, ta DC-i shisem aser iba maparen nung lokti ajaki shilem agitsüla, ta pai telok ajungshi.

Kasa sentong nung Superintendent of Police, Wokha, Imtitoshi-ia, Nagaland nung süngdonglidong tapu balala jenti adoker, koba lintik tesem balala

nung mangur, saka aremtem chidokba ajanga item süngdonglidong/narotem sama oadaki, ta sasasetta bilemba olen ka lemsatop.

Anungji, asenok mekuta aliba aremtem wazüka ayutsü asoshi lokti/kin balalai shilem agitsüla, ta Wokha SP Imtitoshi-i ayongzüka.

Iba sentong nung RFO Baghty Range, Lansothung Lotha meden liasü aser DFO Doyang, Chisayi, IFS-i tepela anküp o jembiba. Sentong tembanga DC indang Public Park nung süngdongtem atem.

KIPHIRE: District Administration den Kiphire Town Council (KTC), NGOs balala aser ward chairman longjemer Kiphire Deluxe point nung World Environment Day sentong ayongzüka agiogo.

Deputy Commissioner, Sarita Yadav, IAS-i ashiba agi, Nagaland ya Tsüngremi maotsüba tepor tajung tesem ka lir, kong tzu, ayong, arem aser shiruru aika angur, saka asenoki süngdonglidongtem timba leptoka/tsüngdokba ajanga anentsü adokdatsür aser ali temo samadoker.

Tarutsü putu atema asenoki süngdonglidong tali atemtsüla, kechiyong tarutsü anogotem nung kechi ang atalokjar aseni memetet, ta lai lenirtem dang mepishia liasü. Sentong temer sülen, Kiphire

jila telungtet nung süngdongtem tema liasü.

ZUNHEBOTO : Satakha, Zunheboto nunga World Environment Day mungogo, kong EAC Satakha, Saku Chang mendenti liasü aser T.L Kiusumong Tikhir, ADC Satakha-i okila jembiba. Sentong nung Office balala nungi tekolakpurtem, GBs aser külem sendaktepa alirtem dena liasü. Sentong temer sülen, office, colony aser tenla ki mekuta süngdongtem atem.

LONGLENG: COVID-19 wara anema raraba mapang ka nung, Phom Baptist Christian Association (PBCA) Longleng-i küm shia inyaka aruba 'Green Mission Day' mapatong den repsema "World Environment Day 2020" mungogo. Iba mapang, PBCA volunteers aser district indang telok balalai süngdongtem tema senzü.

Kasa mapang District Administration aser District Task Force BBBP den Mahila Shakti Kendra (MSK), Longleng longjema "Tree For Daughters" mapatong tasen ka nung ajemdaker World Environment Day 2020 mungogo.

Iba mission kübok, Hokolbarnü nungi tenzüka tetsür tanur asoba tepela temaitsü sayutsü asoshi ita shia Ward ajak nung MSK-i süngdongtem atemtsü.

Tuensang nung COVID-19 asoshi DTF senden amen

Tuensang, Aami/June 07, 2020 (TYO): Hokolbarnü, Tuensang DC indang Conference Hall nung District Task Force meeting for COVID 19 senden ayongzüka agia liasü. Iba senden nung Deputy Commissioner aser TDTF, Tuensang, Chairman, Kumar Ramnikant menden liasü.

Iba senden agiba mapang, tanga tesem/state nungi arurtem, shirnok COVID-19 tetendangba magii Tuensang-i aru, parnok meyipa yoktsü aser tarurtem

anendaktsütsü asoshi timtem adokba indang onüktem nung telok olemtep.

Tang Tuensang district nung Kohima aser Dimapur nungi arurtem agizükdar aser kasa mapang Chennai nungi arurtem-a tetendangba agitsü lir aser tashidak alir/malir bendangtsü asoshi Quarantine Centre tem nung tetsükdaktsü adokdatsür, ta telok jembitep.

Kasa senden nung DC-isa, Chang Gazetted Officers

Association-i sen 2,50,000/-, Khiamniungan Officers Association-i sen 1,50,000/-, Sangtam Officers Association-i sen 1,50,000/- aser Yimchunger Officers Association-i sen 1,50,000/- ; ajak sentepa sen lakh 7 tenla agütsüba sangdong liasü.

Telok balalai agütsüba tenla yagi Truenat machines atema cartridge tem alitsü asoshi senden nung teloki lemtet, ta sangdong ka ajanga metetdaktüsü.

Peren DC-i Liaison team ka shimogo

Peren, Aami/June 07, 2020 (TYO): Tanga state nungi arurtem adenshiba tesem (staging area), Dimapur nung Peren District dak sendakba maparen inyaktüsü atema Brehostibarnü Peren Deputy Commissioner, Sentiwapang Aier, NCS-i COVID-19 indang Liaison Team ka tentetogo.

Iba team nung Tumben P. Tsanglao, EAC, Tening, Peren, Liaison Officer cum Team Leader-7085799022/ 9774151383; Isile, Asst. General Manager, NST-

9402016230; Sangthing Khiamniungan, LRSO-8074486162; Neiketuoko Nipu, UBI, Prosecuting Inspector-8131912629; R. John Zeliang, President, ZYON- 8974524750; Thinzan Zeliang, ZYON-8416061173 aser Paotinlam Guite tem team züngsem ama shimogo.

Officer aser team züngsemtemi Dimapur nung tim ketdangsertem den longjemer inyaktüsü aser COVID-19 dak sendakba maparen ajak nung district o district

tsüngda maparen takok ngua achaayanga inyaktetsü atema asalentong aser osangtsüsang belenba dak sendakba inyakyim nung tesendaktep tajung ayutsüla.

Nüngdakba osangtsüsang bendenba ajak indang tejangjatem mapa küma inyaktüsü asoshi Control Room, Jalukie-6009915861 mesüra Rumbemo Kittan, EAC HQ-7085982434/ 8837419824 nem agütsütsüla, ta DC-isa metetdaktüsü.



OFFICE OF THE LANGPANGKONG KAKETSHIR MUNGDANG

Langpangkong Students' Conference
H.Q. Chuchuyimlang - 798614. Dist. Mokokchung : Nagaland

Tenünsang Agütsür

Langpangkong Kaketshir Mungdang (LKM) ajanga taküm 2020 küm NBSE-i agiba HSLC aser HSSLC tatitang nung Langpangkong nunger kaketshirtem kwikati takok tajung ngutetogo nenok ajak nem tenünsang agütsür. Talisa ano item teküboklen agüja aliba kaketshirtemi ajak dang nungi alia takok aser konang nünsang tulu kaketshir mungdang nem bener arutsü nung tenünsang tulu agütsür.

- Kr. Otikala Jamir** (Changtongya) D/O Wb. I Sowa i HSLC tatitang nung Stella Hr. Sec. School, Kohima nungi Top 13th (c) jenjang nung takok angu.
- Kr. Imlibenla** (Changtongya Yimsen) D/O Wb. Bendangtemjen i Mezbur Hr. Sec School, Kohima nungi HSSLC Arts stream tatitang nung Top 5th (a) buba jenjang nung takok angu.
- Kr. Wangshirenla Longkumer** (Yaongyimsen) D/O Odikokba i St. John Hr. Sec. Residential School, Dimapur nungi HSSLC Science stream tatitang nung Top 5th (a) aser Computer Science nung State Subject Topper jenjang nung takok angu.
- Kr. Onenjungla Longkumer** (Akhoya) D/O Wb. Tiamoa Longkumer i Queen Mary Hr. Sec. School, Mokokchung nungi HSLC tatitang nung English State Subject Topper jenjang nung takok angu.
- Kr. Limasenla** (Longkong) D/O Wb. Rongsensujong i St. Mary School, Mon nungi HSLC tatitang nung Social Science State Subject Topper jenjang nung takok angu.
- Kr. Sungjemmenla** (Mongsenyimti) D/O Wb. Meyitongpang i Mayagnokcha Govt. Hr. Sec. School, Mokokchung nungi HSSLC tatitang nung Ao State Subject Topper jenjang nung takok angu.

Kaketshir Mungdangi takok angur kaketshirtem ajak tarutsü anogotem nung parnok azüngba wadang balala nung takok ngujang ta sarasadema moatsür.

Langpangkong Kaketshir wadang nung,
Sd/- Sd/-
Washimong Sadem Longkumer **Temjentoshi Jamir**
Tir, LKM Tongti Zülur, LKM

TENÜNSANG AGÜTSÜR

Tawa HSSLC Examination 2020 osang sangdongba nung Molungkimong yimsüng nungi Mr & Mrs. Tiayanger Tzüdir'er jala, **Kr. Rachel Tzüdir-i** Top 7 (Arts Stream) jenjang nung takok ngutetba atema, Molungkimong Village Council, Molungkimong Senso Mungdang aser Molungkimong Students' Union ajanga tenünsang agütsür. Nai iba tetushi jenjang ajangzüktetba asoshi onok kanga dang nüma atanger aser tarutsü nunga nü wadang ajak nung maneni takok lidakangma.



HSLC aser HSSLC tatitang 2020 nung Molungkimong sensosanger takok angur kaketshir ajak dang pelaba metetdaktüsü. Tanü nenoki takok anguba ya tarutsü nükla tajung asoshi tetenzükür südakjangma.

Sd/-
Molungkimong Village Council
Molungkimong Senso Mungdang
Molungkimong Students' Union

CORONA VIRUS & VIRAL CARE
"FREE CONSULTATION"
(ONLY)

DR. ODIRENLA I PONGEN
HOMOEOPATHIC PHYSICIAN

Preventive medicine including
ARSENIC ALBUM 30 etc for Corona &
other viral attacks
Will be made available at
CONCESSIONAL
PRICE to public at :

ADDRESS : INDUSTRIAL VILLAGE RAZHUPE,
NEAR DC COURT DIMAPUR, NAGALAND.
CONTACT NO: 9482136591




BJP NAGALAND STATE UNIT

Commemorates

**ONE
YEAR OF
MODI 2.0**


'Ek Bharat, Shreshtha Bharat'





"In continuation with the welfare-oriented policies of Modi 1.0 government, the Modi 2.0 government has ensured continued commitment to 'Sabka Saath, Sabka Vikas'; protecting and preserving the unity and integrity of the nation".

Kohli den asayashiba atema tia kaa bilemer: Williamson



Kane Williamson

Aami/June 7, 2020
(Agencies): New Zealand captain Kane Williamson-i ashiba agi, Virat Kohli den asayashiba atema kanga tia kaa bilemer, aser pai India team captain ya tanur asüba mapang nungi pa asayaba sülen anidak aruogo.

Williamson aser Kohli naprongla Malaysia nung 2008 ICC U19 World Cup nung asayaogo, koba India team-i akok, iba sülen tenaprongla ya

tanü asüng cricket asaya nung asayar tajungtiba kaka kümogo. "Auh küna prongla külemi mapang ka nung asayashiba ya kanga tia taka lir. Tanur asüdag ajurutebpa sülen pa renlokyinga aoba aser pa inyakyim sülen anidaka aruogo," ta Williamson-i Star Sports show 'Cricket Connected' nung shilem agiba mapang shia liasü.

2008 U19 World Cup semifinal nung Kohli-i aniba

India team-i Williamson-i aniba New Zealand team madak takok ngua liasü. Iba asayamung nung Ravindra Jadeja, Trent Boult aser Tim Southee nungera asayaogo.

Williamson shiba lenisüba kübok New Zealand team 2019 ICC World Cup final tonga asayaa liasü, pai ashiba agi, Kohli-i taoba küm ishika asaya dak sendakba nung pa tebilemba kanga sadoka lemsatepa arudar.

"Tang tashi jangradema asayaa arudar, küna joko mapa talangka toktepa asayaa arudar," ta pai ashi.

"Ajisüaka kümtem tsüngda künati pei tebilembatem sadoka lemsatepa arudar aser asayaba moapu nung yimya balala aser physically asaya yimya tera balala süaka onük kar nungbo obangpua aruogo," ta Williamson-i shisem.

Temelaba mongutetba ajanga boxer tem training camp magiteter

Aami/June 7, 2020
(Agencies): Olympic nung asayatsü aliba India nunger boxer tem training tenzükshitsü asoshi ano mapang tatsüka atatsüsa akümtsü, kechiyong national federation-i June 10 nü nungi Patiala nung camp tenzüktsü sentong aliba administrative tsütsü ken o kar aliba ajanga, tajemba agi hopta kabosa menotsü.

Camp koba tetsür aser tebur naprongla atema liasü, iba camp atema temelaba mongui lir.

"Onok-i ken o benokba dak sendakba nung Sports Authority of India (SAI) nungi osang atadar aser parnoka sorkar nungi osang atadar. Temelaba anogo ka ana tsüngda angutsü akok, saka sentong balala yanglutsü asoshi onok hopta kabosa nungdaksü," ta Boxing Federation of India's Executive Director R K Sacheti-i ashi.

Tokyo Games atema qualify süir aliba asayatem rongnung Amit Panghal (52kg), Manish Kaushik (63kg), Vikas Krishan (69kg), Ashish Kumar (75kg), Satish Kumar (+91kg), M C Mary Kom (51kg), Simranjit

Kaur (60kg), Lovlina Borgohain (69kg), aser Pooja Rani (75kg) densema lir.

Teburtem yimya agi Patiala nung training agir aser tetsürtem Delhi nung agir. June 10 nungi tenzüka Patiala nung tetsür aser tebur naprongla longjemer training agitsü asoshi May 23 nü telemetba agia liasü.

"Inyakyim kar tembanga inyaksü anüngdaka lir. Asayatem Patiala-i anir arutsüla aser parnok temanga tendangtsüla. Item ajak ya inyaksü asoshi hopta kabosa agitsü, anungji iba ita shilem tanabuba nungbosa maparen tejakleni bener aotsü imlaa atar," ta Sacheti-i ashi.

Covid-19 tashidak poktetba sülen linük nung saisapong ajak March ita nungi shibanga lir.

Ajisüaka home ministry-i taoba ita sports complexes aser stadia tem terpranger medeni lapoktsü asoshi temelaba agütsüogo, saka Covid-19 tensa apir jenjang agitsü atema state sorkar nem tashi agütsüogo..

March ita nationals camp ajak anena ataba sülen boxers tem ajak pei kidang training agia arudar.

Training tenzükshitsü asoshi SAI indang Standard Operating Procedure kübok boxer tem nisung den metsüngteptsü asoshi tetuyuba agütsüogo aser tang atemabo ring nung masayatsü metetdaksüogo.

Tashidak nungi jemboa alitsü asoshi training agiba mapang parnok dang pei meyong osettem dang amshitsü tetuyuba agütsüogo.

Iba den bendenloksema parnok indang medical insurance nung Covid-19 atemaa maongka agütsüogo.

Maneni SAI centre nung training agi metenzük tsüngda boxer tem aser federation-i, training tenzükshiba dak sendakba nung lendong keta aliba parnoki jangjaa lir ta shia form ka nung sign asütsüla.

Federation-i October-November ita national asayamungtem ayonga asayatsü imlar aser Asian Championships ayonga asayatsü asoshia temeden nguogo, koba December ita asayatsü sentong lir.

Tang tashi nung track-and-field athletes aser hockey asayatem dang training tenzük asayadar.

Conor McGregor-i asaya nungi anenba sangdongogo

Aami/June 7, 2020
(Agencies): Nüngtugu Ultimate Fighting Championship's (UFC) nung asayar Conor McGregor-i Deobarnü social media ajanga pa asaya nungi anenba sangdongogo. Pai pa indang career nung tang agi tasembenbuba asaya nungi anenba sangdongogo.

Pai 2016 küm April ita 19 nü khen aser 2019 küm March 25 nü pa asaya nungi anenba sangdonga liasü. Deobarnü McGregor-i tetsü den tangokba noksa ka lemsatepa den, "asaya nungi anentsü telemetba agiogo," ta zülur lemsatep.

"Ni asaya nungi anentsü asoshi telemetba agiogo. Nenok ajak dang kanga pelar."

"Ni World title rongnung ka akokba sülen kütsü den Las Vegas nung tangokba noksa ka lemsatep! Nai aginüba ki ka shimang, Mags ni na meimer! Nai kechi jangrara aji nü meyong asütsü," ta pai tweet asü.

McGregor indang tweet dak sendakba nung telangzübatem timba mamangi bilemba tem liasü aser nüburttemi pa dak tanga tamang akatsüla makatsüla iba indang asüngda liasü.

Ajisüak UFC president Dana White-i ashiba agi, coronavirus wara pokteter aliba ajanga nüburttemi masüba julu

benshir aser McGregor-i asaya nungi anener pa anentsüla.

"Asayatsü asoshi shingai shinga menongshir. Conor McGregor-i asaya nungi pa anentsüla ta bilemra pa asaya nungi anentsüla..Ni Conor meimer...Nisung ishikati iba inyakyim ya ni atema kanga jangrademtsüka kümdaksüogo aser pa parnok rongnung densema lir," ta White-i osangbenertem dang ashi.

2016 küm Nate Diaz den UFC 200 bout ka asayatsü lia media dangi aoba atema UFC den mangatetep adokba sülen pa asaya nungi anen. Irish nunger asayar ya news conference ka atema US-i maruba atema UFC-i pa masayadaksü. Iba mapang nung McGregor-i pa asaya nungi anenba mezüngbuba sangdonga liasü.

Tanabuba ya 2019 küm atalok kechiyong pa UFC den toktepa liasü. McGregor asaya aliba mapang Khabib Nurmagomedov aser Diaz-i dang pa koka lir.

2016 küm November ita 12 nü pa UFC asayatem rongnung mapang ka nung dang weight classes ana title abenba mezüngbuba asayar aküm. Pai lightweight belt atema asaya nung Eddie Alvarez knocked süja tanabuba title aben.

Pak court kati Imran Khan... (Tapak 8 nungi...)

Okadak temepishiba benokba nung Shahbaz-i, yimjak nung pa tenüng menüktsüba atema court dang compensation ama USD million 61 recover asütsü asoshi ozüng kübok tetuyuba ka agütsütsü mepeshia liasü.

Ken o angadanga sülen Additional District & Sessions Judge Sohail Anjum-i Ato Kilonser Khan dang June 10 nü tashi nung tezüluba nung telangzüba ka agütsütsü asoshi tetuyuba agütsüogo.

PM Khan nem tetuyuba agütsüba sülen osangbenertem den sensaksemba mapang PML-N otongda Marriyum

Auranzeb-i ashiba agi, "Imran-i sen 10bn defamation case dak sendakba nung telangzüba magütsüra pa Constitution, Article 62, 63 kübok tetemsü mesüi akümtsü. Shehbaz Sharif-i pa nem meima sen 10bn agütsü ta ashiba dak sendakba nung okadak telangzüba agütsütsü asoshi ni Imran Khan jazüker." Lai ashiba agi, June 10 nü Imran-i telangzüba ka magütsütetra, pa ta teyazür ka ta officially ajentsütsü aser National Assembly nung züngsem ka aser Pakistan Ato Kilonser asütsü asoshi tetemsü mesüi akümtsü, ta ashi.

Germany nungi sepai... (Tapak 8 nungi...)

White House-i ashiba agi, parnoki kecha mesangdong saka Trump-i United States military forces asoshi jenjang tajungtiba ka asoshi teti asadanga arudar.

White House National Security Council otongdar John Ulyot-i ashiba agi, Germany den defence aser tanga ken o nung maneni inyaksü asoshi United States bendanga agütsür lir.

Osang koba mezüngbuba Wall Street Journal nung adokogo, iba ya Berlin aser Washington na tsüngda tesendaktep mejungi akümba

nung tesüsabuba tatalokba ka lir, koba Trump tir mendeni ataba sülen aiben mangatetep adoka arudar. Trump-i Germany dang parnok defense nung tali temulung agüja indoktsü nongshia aruogo, aser energy dak sendakba nung Russia dak metaloker aliba atema jenjang tapet magiba asoshi Berlin aija aruogo.

Germany nung US civilian 17,000 shi-i US sepaitem yaria arudar. Germany nung US nunger indang nuclear warheads dena alitsü ta amanger.

BILEM DANGANG

"Peisasa dang tai metoktetra tangar dang koda atoktsü."